



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Ludgerus Episc. 26. Martii.

urn:nbn:de:hbz:466:1-44055

S. LUDGERUS EPISC. 26. Martii.

CÆLO prius quam lucem aspiceret, charum esse LVDGERVM apparuit. Palus enim per carentis matris latus egressus, cum mortem illatus utrique crederetur, obstetricis instar fuit. Vix verba fingere blaſa, vix gressum firmare scivit, cum magnam in parvulo indolem studia prodiderunt. Neque enim ille, ut amat ea ætas, ludicris delectari, sed jam tum seria agere, & vel cortices in libros concinnare, vel lectitanti similis aut scriptitanti assidere. Quare compellatus à nutrice, qui diem transegisset, vel libros, respondit, scribendo vel legendō scriptos. Iterum quo magistro usus esset, rogatus, Deo, subjecit. Talem in familiaritatem suam Musæ, & in ipsa adyta sapientiæ admiserunt, quam ut in alios effunderet, ad Frisones Saxonesque contendit: Episcopus Monasterii primus Cœnobium etiam Werdense extruxit, & cum nemora densa obſisterent, ad hæc exſcindenda famulis ventis est usus, qui noctu eversis latè arbustis, aream amplam ædificio pararunt, unā tantum arbore relictâ, quæ precantē LVDGERVM texerat. Illud etiam memorabile. Carolum M. cui imprimis charus erat, tertio vocatus, dum preces, quas Canonicas dicimus, recitaret, neglexit adire, & appellatus eâ de re, respondit cum majore Principe ſibi colloquium fuiffe. Atque hæc, quæ offendere delicatiorem ætatem nostram, libertas, chariorem etiam Carolo fecit, meruitque hic, dum astra, Alcuino doctore usus, contemplatur, novam stellam in cælo videre, LVDGERVM mortuum. Ex Surio & Lippeloo.

Verè breve est omnino tempus. Infelix proinde qui in
vite

vita hujus lubrico fidens perituram insumit operam,
nec advertit, quoniam vapor est ad modicum parens,
Et vanitas vanitatum. S.Bern.in sent.

S. RUPERTUS EP. 27. Martii.

Sanguinem suum, quem ad Franciæ Reges Ducesque Hiberniæ referebat RUPERTVS, tum nobilem esse probavit, quando Vangionum Episcopus virginis servilem in modum per urbem casus, & in exilium est actus. Sed nobilissimo exuli dignum domicilium patuit, Bojaria. Huc evocatus in exilium inde superstitionem misit, & primus ferè Boiis patriam suam cælum ipse exul ostendit, regemque primò Theodonem, tum proceres, mox populum magno numero sacro fonte lustravit. Abhinc sedem & arcem sacrorum Juvaviæ (quæ hodie Salisburgum est) posuit, mox Cœnobium hic templumque D.Petro, alterum dein montibus, idque D. Maximiliano sacrum, velut præsidium sanctæ religionis imposuit, prodigiosi ignibus tunc nobile. Sub hæc in patriam magnis itineribus contendit, novasque auxiliares copias viros XII.adduxit, sui planè, ut aliud nihil dicam, simillimos. His adjuvantibus bellum sanctum, totam penè Bojariam Christo subegit, templaque velut propugnacula pietatis plurima passim extruxit. Inter hæc utique & pulcherrimum ornamentum patriæ, & firmissimum munimentum Aedes veteris Oetingæ numeratur, DEIPARA sacra; ut quando huic omnia se debere Boii factentur, multum profectò etiam RUPERTO debeat, qui Regionis tutelam, eam VIRGINEM inquam, princeps conciliavit. Obiit anno DC. XXVIII. fati sui certus & diei. Parentare lacrimis omnes